



ALL INDIA RADIO, SILCHAR

MORNING NEWS BULLETIN

BENGALI / বাংলা

20 APRIL 2024

7:35—7:40 AM IST

লোকসভা নির্বাচনের প্রথম পর্যায়ে রাজ্যের ৫ টি আসনে গতকাল প্রায় ৭১ শতাংশ ভোট পড়েছে। রাজ্যের কাজিরাঙ্গা, শোণিতপুর, লখিমপুর, ডিব্রুগড় এবং যোরহাট আসনের ভোটদাতারা তাদের ভোটাধিকার সাব্যস্ত করেছেন। ৫ টি আসনে প্রতিদ্বন্দিতা করা ৩৫ জন প্রার্থীর মধ্যে কেন্দ্রীয় মন্ত্রী সর্বানন্দ সনোয়াল, কামাখ্য প্রসাদ তাসা, রনজিৎ দত্ত, গৌরব গগৈ, লুরিনজ্যোতি গগৈ সহ চার জন মহিলা প্রার্থী রয়েছেন। এদের মধ্যে তিনজন কাজিরাঙ্গা আসনে এবং একজন মহিলা প্রার্থী শোণিতপুর আসনে প্রতিদ্বন্দিতায় রয়েছেন। প্রবীণ নাগরিক এবং বিশেষভাবে সক্ষম ভোটদাতাদের মধ্যেও ভোটদানের উৎসাহ পরিলক্ষিত হয়েছে। কাজিরাঙ্গা লোকসভা আসনের অধীন গোলাঘাট জেলার বোকাখাত বিধানসভা আসনের ১৩৬ নম্বর কলাখোয়া প্রাথমিক বিদ্যালয়ের ভোট কেন্দ্রটি বিশেষভাবে সক্ষম ব্যক্তিদের দ্বারা পরিচালিত হয়েছে।

রাজ্যে দ্বিতীয় ও তৃতীয় পর্যায়ের নির্বাচনের জন্য ব্যাপক প্রচার অব্যাহত রয়েছে।

ভারতীয় জনতা পার্টির প্রবীন নেতা তথা রাজ্যের মুখ্যমন্ত্রী ডক্টর হিমন্ত বিশ্ব শর্মা নির্বাচনী প্রচারে অংশ নিতে আজ করিমগঞ্জ আসছেন। মুখ্যমন্ত্রী ডক্টর শর্মা আজ দুপুর ১২টায় পাথারকান্দি বিধানসভা কেন্দ্রের ইছাবিল মাঠে এবং দুপুর একটায় বদরপুর বিধানসভা কেন্দ্রের মালুয়ায় দলের প্রার্থী কৃপানাথ মালার হয়ে জনসভায় যোগ দেবেন।

মুখ্যমন্ত্রী ড.হিমন্ত বিশ্ব শর্মা গতকাল খানাপারার পশু চিকিৎসা মহাবিদ্যালয়ের খেলার মাঠে গৌহাটী লোকসভা আসনের প্রার্থী বিজুলী কলিতা মেধির হয়ে প্রচার করেন । একইদিনে মুখ্যমন্ত্রী ওদালগুড়ি জেলার টংলা এবং নগাঁওয়ের ভোতাইগাঁও এ নির্বাচনী প্রচারে অংশ নেন । রাজ্যে বড়ো ,কার্বি ,আদিবাসী ডিমাসা ও আলফার সঙ্গে শান্তি চুক্তি করার পর শান্তি ফিরে এসেছে বলে মুখ্যমন্ত্রী জানান । আসামে কেবল উন্নয়ন ও বিকাশের পরিবেশ গড়ে উঠেছে বলে উল্লেখ করে ড.শর্মা বিজেপি সরকারের বিভিন্ন সফলতার খতিয়ান তুলে ধরেন ।

ধুবড়ী লোকসভা আসনে গতকাল বাসন্তীপুরে এ আই ইউ ডি এফের প্রার্থী বদরুদ্দিন আজমলের হয়ে বিধায়ক নজরুল ইসলাম , প্রাক্তন বিধায়ক হাফিজ বসির কাশিমী নির্বাচনী প্রচারে অংশ গ্রহণ করেন । । অন্যদিকে বদরুদ্দিন আজমল নগাঁও লোকসভা আসনের এ আই ইউ ডি এফ প্রার্থী আমিনুল ইসলামের হয়ে ধিংয়ে প্রচার করেন । এদিকে নগাঁও লোকসভা আসনের কংগ্রেস প্রার্থী প্রদ্যুত বরদলৈ গতকাল নির্বাচনী প্রচার কার্যসূচীর মধ্যে অসুস্থ হয়ে পড়েন । নগাঁও লোকসভা আসনের লাহরিঘাটে মন্ত্রী পীযুষ হাজারিকা গতকাল চারটি জন সভায় অংশ নেন ।

শিলচর লোকসভা আসনে এস ইউ সি আই (কমিউনিষ্ট) দলের প্রার্থী প্রভাস চন্দ্র সরকারের সর্মথনে গতকাল শিলচরে ক্ষুদিরাম মূর্তির পাদদেশে আয়োজিত নির্বাচনী জনসভায় দলের কেন্দ্রীয় কমিটির সদস্য চন্দ্রলেখা দাস বক্তব্য রাখেন । এছাড়াও সভায় দলের জেলা সম্পাদক ভবতোষ চক্রবর্তী , অধ্যাপক অজয় রায় , শিক্ষক সুব্রত চন্দ্র নাথ প্রমুখ বক্তব্য রাখেন ।

করিমগঞ্জের জেলা নির্বাচন আধিকারীক জেলায় আগামী ২৬শে এপ্রিল লোকসভা নির্বাচন উপলক্ষ্যে ভোট কর্মী ও নিরাপত্তা কর্মীদের সুবিধার কথা বিবেচনা করে ভোটকেন্দ্রগুলিতে পেইড ক্যান্টিন সচল রাখার নির্দেশ দিয়েছেন । জেলা আয়ুক্ত বিদ্যালয় শিক্ষা আধিকারীক ও শিক্ষা প্রতিষ্ঠানের প্রধানদের নিজ শিক্ষা প্রতিষ্ঠান বা ভোট গ্রহন কেন্দ্রে কর্তব্যরত সব ভোট কর্মী ও নিরাপত্তা কর্মীদের জন্য নগদ অর্থের বিনিময়ে উপযুক্ত আহ্বারের ব্যবস্থা রাখতে নির্দেশ দিয়েছেন ।

কাছাড়ের জেলা আয়ুক্ত রোহন কুমার ঝা এক বিজ্ঞপ্তিতে আগামী ২৬শে এপ্রিল লোকসভা নির্বাচনের দ্বিতীয় পর্যায়ের দিন এন আই এক্টের অধীনে কাছাড় জেলার সব সরকারী-বেসরকারী কার্যালয় , শিক্ষা প্রতিষ্ঠান , ব্যবসা-বানিজিক প্রতিষ্ঠান , ব্যাঙ্ক , চা বাগান , কলকারখানা বন্ধ রাখার কথা ঘোষণা করেছেন । এই সবেতন ছুটী কাছাড় জেলার পঞ্জীকৃত সব ভোটারদের ক্ষেত্রে প্রযোজ্য হবে ।

কাছাড়ের অতিরিক্ত জেলা আয়ুক্ত যুবরাজ বড়ঠাকুর জানিয়েছেন যে নির্বাচন সংক্রান্ত সামগ্রীর বন্টন ও গ্রহন প্রক্রিয়া সুষ্ঠুভাবে সম্পন্ন করতে আগামীকাল শিলচরের দীননাথ নবকিশোর বালিকা বিদ্যালয়ে একদিনের প্রশিক্ষন কর্মশালা অনুষ্ঠিত হবে । প্রশিক্ষনটি সকাল ১০টায় শুরু হবে ।

করিমগঞ্জের খাদ্য ও সরবরাহ বিভাগের পক্ষ থেকে এক বিজ্ঞপ্তিতে জানানো হয়েছে যে জেলায় এপ্রিল , মে ও জুন মাসের খাদ্য সুরক্ষা যোজনার কার্ডধারীদের জন্য কেরোসিন বরাদ্দ করা হয়েছে । বিজ্ঞপ্তিতে এই কেরোসিন শহর ও গ্রামাঞ্চলে কার্ড পিছু প্রতিমাসে নয়শ মিলি লিটার করে বন্টন করতে নির্দেশ দেওয়া হয়েছে ।

অসম বিদ্যুৎ বিতরণ কোম্পানীর পক্ষ থেকে এক বিজ্ঞপ্তিতে জানানো হয়েছে যে শিলচর পৌর এলাকায় আজ এইচ টি , এল টি সার্ভিস ওয়ার রোড ক্রসিং লাইনগুলিকে নিরাপত্তার কারণে উন্নিত করা হবে । এ জন্য আজ শিলচর পৌর এলাকার বিভিন্ন অঞ্চলে বিদ্যুৎ পরিষেবায় বিদ্ব ঘটবে বলে জানানো হয়েছে।
